



*Rabu, 20 Juli 2022*  
**Ogen: Josua 24:15**



**Naksiken Kiniteken Jabu**



**W***Kebahagiaan dalam keluarga paling mungkin dicapai bila didasarkan pada ajaran-ajaran Tuhan Yesus Kristus”.*

Pengalaman memimpin bangsa Israel arah kalak pertandang nari, seh jadi sada bangsa si nggo lit tanehna i Israel, Josua la meganjang ukurna. Gejapna e kerina bekas perkuah ate Tuhan. Amin gia mbue tawaren-tawaren pencampur aduken kiniteken, Josua tetap njemak kepercayaan Tuhan, alu mempertahankan kinitekenna. Dibata-dibata kalak Kanaan e seh teremna, menurut beritana pe luar biasa kuasana. Lenga ka kepercayaan sinibaba kalak Israel kerna dibata kalak Mesir, dibata-dibata si mereken kuasa luar biasa i bas membangun piramida, bendungen ras sierbahanca kerajan Mesir seh kal belinna. Tapi Josua ras seisi jabuna, tetap milih Tuhan Dibata “JAHWE” jadi siisembahna. Engkai maka bage? Sebab nggo idahna janah ialokenna janji Tuhan, si tempa-tempa la tuhu tapi inyatakan Tuhan. Enggo erpadan Tuhan man Josua maka iberekenna me taneh e man bana ras man bangsa Israel. Janah tepat bagi sinikatakenNa em jadi. Erkiteken si e itegaskenna maka ia ras isi jabuna ersembah man Tuhan. Kekuatan persekutuan, siibenaken ibas jabu, mpengasup kita ngaloken padan Tuhan e. Jabu si malang man Tuhan mereken pengapul banta si kune janji Tuhan e tempa ndauh denga. Persadan ndehara, perbulangen, orang tua ras anak ersembah man Tuhan nalangi tingkap-tingkap langit, sebab Tuhan kap simereken rejeki. Adi megegeh persadan jabu e ras Tuhan, em jadi kesaksinta maka Dibata kap si ngkuasai jabunta. Peliharalah kiniteken jabu, alu erbahan paksa teneng radu ras kerina seisi jabu. Baba tep-tep gelar isi jabu bas pertoton, orangtua pasu-pasu anakndu alu toto ras kata penyemangat. Biasakenlah sihamaten ras nuanken biak mehamat erturang, ersukuten ersenina ras sisambat-sampaten.